

INFORMACIJA

Učešće u radionici „Razmjena iskustava među jednakima (Peer Exchange) na temu rada i održavanja postrojenja za prečišćavanje otpadnih voda“, održane 05.11.2019.g. u Sarajevu

Razmjena iskustava među jednakima je organizirana od strane Aquasan mreža u BiH u sklopu projekta (RCDN) "Regionalna mreža za izgradnju kapaciteta za usluge vodosnabdjevanja i odvodnje i prečišćavanja otpadnih voda. Aida Jusufhodžić, voditeljica projekta u Aquasan BiH, menadžer RCDN za izgradnju kapaciteta, predstavila je ciljeve i metodologije vezane za ovu tematiku.

Cilj ove radionice bio je da se unaprijede znanja JLS i JVP/JKP o radu i održavanju postrojenja za prečišćavanje otpadnih voda (PPOV), a naročito razumijevanje o faktorima koji sprječavaju efikasan pogon PPOV i mogućnostima za njihovo otklanjanje i optimizaciju rada, unaprijede znanja o radu i održavanju postrojenja naročito faktori koji sprječavaju efikasan rad postrojenja i mogućnosti za njihovu eliminaciju i optimizaciju rada, kao i da sudionici dobre prakse drugih PPOV prenesu i primijene u svojim sredinama.

Učesnici ovog skupa bili su: direktori javnih komunalnih preduzeća, tehnički direktori, donosioci odluka u općinama koje imaju izgrađena postrojenja za prečišćavanje otpadnih voda, šefovi odjela komunalnih poslova, voditelji i inženjeri koji rade na PPOV u gradovima:

Bihać, Gradiška, Ljubuški, Bijeljina, Mostar, Tešanj, Velika Kladaša, Skoplje, Koprivnica i Sarajevo.

U sastavu sesije upriličena je posjeta **Postrojenju za prečišćavanje otpadnih voda Butile**.

Prisutnima se obratio direktor KJKP „ViK“ Sarajevo gosp. Hadžiahmetović Enver i zaželio da ova razmjena iskustava bude sudionicima ovog skupa od velike koristi.

Rukovodilac PPOV gosp. Ahmed Busuladžić, izvršio je prezentaciju na temu „**Energetska efikasnost na PPOV Butila - Iskorištenje biogasa za proizvodnju električne i toplotne energije**“ i Kontrolor ekoloških procesa, Aljoša Dizdarević, prikazao prezentaciju na temu: „**Predtretman, tretman i obrada mulja na PPOV**“ .

Nakon tematskih sesija, upriličen je obilazak Postrojenja, gdje su učesnici imali priliku domaćinima postavljati pitanja, diskutovati, donijeti određene zaključke i preporuke, te utvrditi naredne korake, koji su neophodni za što bolju i efikasniju međusobnu saradnju.

Podsjećamo, u Sarajevu je 2017. godine otvoreno obnovljeno Postrojenje za prečišćavanje otpadnih voda "Butila", koje je realizovano u okviru projekta "Otpadne vode Sarajeva".

Značaj ovog uređaja, koji je najveći u Bosni i Hercegovini, za zaštitu okoliša je ogroman, kao i njegova važnost za krajnje korisnike, ne samo Kantona Sarajevo, nego i šireg područja.

Sanacijom i modernizacijom Postrojenja, omogućeno je prečišćavanje otpadnih voda grada Sarajeva i kontrolisano ispuštanje prečišćenih voda u recipijent, rijeku Bosnu, u tačno propisanom obimu i propisanog kvaliteta.

Primarni cilj realizacije ovog projekta bila je zaštita vodotoka rijeke Bosne.